



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

Nobili Viro Comiti de Mauritania.

urn:nbn:de:hbz:466:1-20006

sus, partibus omnem appellationis & reculationis penitus interdicimus facultatem; ne contingat Roscen. Ecclesiam, quæ ferè triennio jam vacavit, diutiùs carere pastore. Ad hæc, vobis, fratres Archiepiscopi, per apost. scripta mandamus, & districtè præcipimus ne nobilis viri Comitum de Mauritania vel cuiusquam secularis potestatis gratia vel timore prætermittatis ulterius quin electos canonicè confirmetis; confirmatis, prout ad vos pertinet, sine dilatione qualibet consecrationis beneficium impensuri, ne plus videamini homini quàm Deo deferre. Quòd si omnes &c. duo vestrum &c. Datum Perusij, XV. Kal. Octobris.

HOMINIBVS S. AGATHES.

Epist. 365.
Confirmantur
consuetudines
eius rationabiles
& antiquæ.

Cum à nobis petitur &c. usque ad verbum annuentes, ad instantiam dilecti filij G. de Labro Subdiaconi nostri rectoris Masan. apostolicæ sedis Legati, antiquas rationabiles & approbatas consuetudines vestras & hæcenus observatas auctoritate vobis apostolica confirmamus &c. Nulli ergo &c. Datum Perusij, XI. Kal. Octobris.

CAPITVLO, CLERO, ET POPVLO
tam civitatis quàm diocesis
Leibglennen.

Epist. 366.
De electione &
consecratione
Episcopi Leib-
glennenfis.

Ex literis venerabilium fratrum nostrorum Ardmacan. & Cassellen. Archiepiscoporum, Oseriæ & Darien. Episcoporum, & vestris accepimus, quòd Ecclesia vestra pastore vacante, in venerabilem fratrem nostrum I. nunc Episcopum vestrum, tunc autem Rossevall. Abbarem, unanimiter convenistis, electionem de ipso canonicè celebrantes. Quia verò venerabilis frater noster Dublinen. Archiepiscopus Metropolitanus vester à sua diocesi & Ecclesia exulabat, nec ideo ad eum super hoc recurrere potuistis, electionem vestram dicto Archiepiscopo Cassellen. tunc apostolicæ sedis Legato curavistis humiliter præsentare; qui eam auctoritate, quaungebatur, apostolica confirmavit, sed propter contradictionem Ademundi de Vallon. officialis nobilis viri Comitum de Mauritania electo ipsi consecrationis noluit beneficium exhibere. Nos igitur electionem ipsam canonicam attendentes, & de persona celebratam idonea, & à præfato Archiepiscopo confirmatam, (quo-

Vide epist. seq. &
Regium de He-
veden ad an-
1397. circa fi-
nem.

rum primum & ultimum sufficienter per prædictas literas & quarundam personarum, quas secum habebat, testimonia, quæ ad majorem cautelam sub juramento recepimus, probatur; de secundo verò per examinationem personæ apud sedem apostolicam * vobis factam constat manifestè) confirmationem ab eodem Archiepiscopo factam ratam habuimus, & electum ipsum nostræ humilitatis ministerio curavimus in Episcopum consecrare. Eum ergo ad gerendam Ecclesiæ suæ sollicitudinem ad eandem remittentes Ecclesiam consecratum, universitati vestræ per apostolica scripta mandamus atque præcipimus quatenus eum recipientes humiliter & devotè, tanquam pastorem & Episcopum animarum vestrarum honorare curetis, & de universis justitiis ad eum spectantibus ei sine dilatione qualibet respondere, statuta & mandata ipsius recepturi humiliter, & inviolabiliter servaturi. Datum ut supra.

* Leg. à nobis

NOBILI VIRO
Comiti de Mauritania.

Epist. 367.
Vt ecclesiasti-
cam libertatem
& privilegia
non perumpat.

Quòd contra Deum & ecclesiasticam libertatem per officiales tuos in animæ tuæ perniciem in causis spiritualibus indebitam tibi jurisdictionem usurpas, non attendens quòd Ozias Rex, quia præsumpsit incensum offerre, lepra fuit in fronte percussus, quòd viros ecclesiasticos exulare cõpellis, quòd electionibus canonicè factis repugnare præsumis, miramur non modicum, & non minùs tibi quàm Ecclesiarum gravamini condolemus. Cum enim noveris quòd omnis est potestas à Deo, & quòd usque adeo humana est infirmitas imbecillis, ut nec adicere possit ad staturam suam cubitum unum, nedum regni sibi folium vendicare, dolemus quòd contra eum & sponsam ejus Ecclesiam videris supercilium assumpsisse per quem Reges regnant & Principes dominantur; qui potentes deponit, & humiles & justos exaltat, superbiorum & sublimium colla propria virtute conculcans; per quem si cuperes exaltari, te in ipsius oculis humiliare deberes: quoniam omnis qui se exaltat humiliabitur, & qui se humiliat exaltabitur, juxta testimonium Veritatis. Nam ut alia quæ in libertatis ecclesiasticæ præjudicium attentasse diceris omittamus, & ut transeamus sub silen-

tio quòd venerabilem fratrem nostrum Dublinen. Archiepiscopum coëgisti, sicut accepimus, exulare, id solum per literas explicantes propter quod nunc assumpsimus scribendi laborem, sine tua non credimus conniventia contigisse quòd cum dilecti filij Lethglennen. Canonici, Ecclesia sua pastoris solatio destituta, venerabilem fratrem nostrum I. nunc Lethglennen. Episcopum, tunc autem Rosæval. Abbatem, canonicè ac concorditer elegerint, Ha. de Valon. ministerialis tuus opponere se ipsorum electioni præsumpsit, ipsius Ecclesiæ ac Canonicorum bona violenter invasit, & usque adeo contra ipsum & ejus fautores exarsit, ut venerabilis frater noster Casfellen. Archiepiscopus, tunc apostolicæ sedis Legatus, propter eum ausus non fuerit electum ipsum in Episcopum consecrare, licet electionem confirmasset ipse, cum tu dictum Dublinen. Archiepiscopum, ad quem confirmatio ejus & consecratio pertinebat, in Normanniæ partibus exulem detineres. Quia verò tuæ nobilitati non expedit Deum contra te per offensam Ecclesiæ provocare, aut in eam nos credulitatem inducere quòd ad deteriora manum extendas, si regni fueris honorem adeptus, cum de vini non possit sapore sperari quòd prius acefcatur quàm vasi totaliter infundatur, discretionem tuam rogamus attentius & exhortamur in Domino, ac per apostolica tibi scripta præcipiendo mandamus, quatenus cum idem Episcopus consecratus à nobis, ad gerendam Ecclesiæ suæ sollicitudinem remittatur, non impedias nec facias vel patiaris ab aliis impediri quòd minùs administrationem ejusdem Ecclesiæ tam in spiritualibus quàm temporalibus exequatur, immo dictum ministerialem tuam tradita tibi potestate compellas ut quæ vel Ecclesiæ vel Canonicis Lethglen. abstulit, restituat universa, ita quòd ex hoc omnibus liqueat manifestè quòd sine tuo consensu tanta fuerit iniquitas perpetrata. Hæc autem asperè scribimus, non ad petitionem Episcopi memorati, sed ut nostrum exprimamus affectum: quia pater filium, quem diligit, corripit, & revocare cupit errantem. Abstineas ergo, fili, diligenter ab his quæ tuam famam denigrent, & profectum impediant: ne si Deum ad iram contra te provocas, & Ecclesiam tibi reddas offensam, præter id quod dici-

tur à psalmista, *Quoniam impius non dimittat dies suos*, tuæ promotionis intercludas assensum. Datum Perusij, XIV. Kal. Octobris.

MEDIOLANEN. ARCHIEPISC.

VT nostrum prodeat de Dei vultu iudicium, & oculi nostri videant æquitatem, via regia debemus incedere, nec ad sinistram omnino nec ad dexteram declinare, ita magnum judicantes ut parvum; quia non est apud Deum acceptio personarum. Ad audientiam sanè nostram multorum relatione pervenerat quòd Cancellaria Mediolanen. Ecclesiæ vacaverat ultra annum. unde secundum Lateranen. Concilij statuta ad nos ipsius erat donatio devoluta. Volentes autem tibi solita dignitate deferre, rogavimus te attentius & mandavimus ut Cancellariam ipsam dilecto f. Henr. de Settara Subdiac. nostro, Mediolanen. Ecclesiæ Canonico, bene apud te merito, & ad hoc officium obtinendum idoneo, benignè conferres; & si post receptionem literarum nostrarum quicquam de ipsa Cancellaria contra jus acquisitum nobis ex Lateranen. decreto statueres, decernebamus illud irritum & inane. Tu verò literis nostris receptis diceris respondisse, sicut ex publico declaratur authentico, quòd Cancellariam ipsam alteri non cõtuleras, quia propter gravamina debitorum, proventus ipsius tibi erant plurimum necessarij; literis tamen nostris apertis, earumque tenore perspecto, responderes in crastino quod crederes respondendum. Porro, sicut ex alio comperimus instrumento, postquam mandati nostri audivisti tenorem, variata locutione dixisti quòd Cancellariam ipsam non poteras juxta mandatum nostrum præfato Subdiacono nostro conferre; quia, reservatis tibi proventibus, eandem Cancellariam decem mensibus jam elapsis Henrico de Lamp. concesseras. Cumque nobis hujusmodi responsionum varietas ex scriptis innotuisset authenticis, etsi secundum Apostolum omnem inobedientiam prompti simus ulcisci, adhuc tamen tibi deferre volentes, cui & in minori officio constituti, & promoti, sicut Domino placuit, ad majora, in multis & magnis detulimus, tibi dedimus in mandatis ut ad præsentiam nostram procuratorem idoneum destinares, qui tuo nomine legitimè nobis

Epist. 148.
De collatione
Cancellarie
Mediolanen.
Cap. V. nostris.
Vt eccles. benefi-
cia. c. cap. 16.
de appella.
Vide supra epist.
120.